



Club da Skiunzs Zuoz

Protocol da la radunanza generela dals

8 december 2023 a las 20h, Crusch Alva, Zuoz

Preschaints: 22 commembers e commembras e la suprastanza cun 6 persunas. In tuot 26 persunas.

S-chüsos: 16 commembers s'haun s-chüsos.

- Tractandas:**
1. Bivgnaint
 2. Protocol da la radunanza generela dals 02.12.2022 (vair pagina d'internet CdS Zuoz)
 3. Rapports: President
Schef cuorsas e materiel
Schef giuvenils
 4. Müdamaints
 5. Quint annuel 2022/2023
 6. Rapport dals revisuors e dis-charg a la suprastanza
 7. Tschernas
 8. Onorificaziuns
 9. Program annuel 2022/2023
 10. Varia

1. Bivgnaint

Il president Thomas Pinchera salüda a 22 commembras e commembers. A sun entredas diversas s-chüsas chi nu vegnan però elettas. Displaschaivelmaing es eir quist an da piglier cumgio dad ün commember, nempe da Roman Casty. Nus fains ün minut da silenzi.

La bannida es gnida tramissa a temp ütil cullas tractandas. A nu do ünguotta dad agiundscher.

Scu scrutinadur vegnan proponieus Fredy Sigg e Dorette Haller. Els vegnan elets ed acceptos sainza cuntravuschs da la radunanza.

2. Protocol da la radunanza generela dals 02 december 2022

Il protocol da la radunanza generela dals 2 december 2022 as ho pudieu leger sùlla pagina d'internet dal CdS Zuoz e vain approvo unanimamaing da la radunanza. Il president ingrazcha a l'actuara Corinna Badilatti Steger per la cumpilaziun.

3. Rapports

Rapport anuel 2022/2023 dal president Thomas Pinchera:

Thomas Pinchera prelegia sieu rapport:

Stimedas comembras

Stimos comembers

Sch'èau guard inavous sùlla stagiun d'inviern 2022 – 2023 am vain adimaint il prüm, darcho ün inviern cun enorm pocha naiv. Sch'èau guard pero sün mieu «diari d'evenimaints dal Club da Skiunzs» schi vez èau cha nus avains tuotüna pudieu mner tres divers evenimaints cun relaziuns da schnuz. Eir l'intschertezza scha organiser evenimaints sur Whatsapp funcziuna propcha, as ho transmüdeda in üna tschertezza chi funcziuna propcha. La suprastanza as ho chatteda l'an da gestiun passo per 6 radunanzas da suprastanza. Ils temas principels d'eiran l'JO e la gestiun da las restauraziun dal Maraton Engiadinais.

La saireda d'infurmaziun pels genituors da l'JO e la surdeda da las manduras da skis e passlung significha per me adüna il punct da partenza da la stagiun d'inviern.

Cuort zieva quists duos evenimaint ho gieu lö il marchio da Nadel a Zuoz inua cha nus avains vendia ca. 60 kg marruns, ca. 80 liters vin chod e 50 liters punsch. Zieva tuot quistas venditas pudains muosser sü ün gudagn da 2400.-.

Ils 5.1.2023 vains organiso üna gitta cler glüna sün l'Alp Belvair. Il prüm evenimaint sur las gruppas da Whatsapp. 12 partecipants haun giodieu üna bellischma saira in cumpagnia. La skiada vers chesa d'èira alura pü toust üna sfida scu ün giodimaint perche cha la naiv dschieta nu pardunaiva üngüns sbagls da la tecnica da skis.

«Pachific cun Karin» d'èira ün oter evenimaint fich spontan ma eir co vains pudieu bivgnanter 10 commembras e commembers per üna skiada cun cafe i'l territori das skis a Zuoz.

La 10 evla ediziun da La Diagonela ho gieu lö ils 21.schne 2023. E scu minch`an nu füss que pussibel d'organiser usché ün evenimaint sainza nummerus voluntaris eir da noss Club da Skiunzs.

Ils 28 schne 2023 dimena scu gia üsito ün eivna zieva La Diagonela ho gieu lö il di dals veterans sül territori da skis da Zuoz. Per nus suprastants es que il di da skis il pü intensiv da tuot la stagiun, èau vulesc citer ün commember da la suprastanza "ils veterans nu faun gnianch'üna posa e nu vöglian pü schmetter dad ir culs skis hoz" 😊 ad es pero adüna fich divertaivel.

L'Engadin Ski Cup chi ho gieu lö ils 5 schne 2023 ho procuro ca. 400 prümas entregias pels runels da Zuoz, che chi'd es eir in prüma lingia il scoppo da quista cuorsa. Nus dals Club da Skiunzs preparains per quist evenimaint l'infrastructura per piglier il temp e montains diversas raits da sgürezza. Ils clubs da skis «Giorgio Rocca» e «Speciale» organiseschan il di da cuorsa.

Ils 4 schne 2023 ed ils 5 marz 2023 haun gieu lö aunch'üna vouta duos gitas cler glüna sü l'Alp Griatschouls e sùlla Chamanna Munt. In quist connex ün grand grazcha fich a la famiglia Haller per l'allogi sün lur chamanna.

Il Maraton Engiadinais chi ho gieu lö ils 12 marz 2023 d'eira darcho ün evenimaint grandius per la chascha da noss club. Finelmaing essans darcho süllas cifras allegraivlas scu aunz Corona. L'organisaziun da la suprastanza cun ils duos respunsabels per l'infrastructura Gian e Flurin as ho verificada e cun que avains pudieu der ün poin discharg a noss capo cuschinunz Fredy Sigg.

Scu finel da la stagiun da l'JO e scu finischiun da la stagiun da skis a Zuoz avains cumbatieu süls skis da passlung e sün quels alpins per fer our ils champions dal Club. Il cumainzamaint da quista maestraunza haun fat in venderdi saira las cuorsas da passlung giò'n Resgia. Scu cha que as tuocha as ho cumbatieu cun tuot las forzas pussiblas per guadagner. Displaschaivelmaing ho que do ün accidaint da nossa cheffa da l'JO Andrina. Il di zieva in bunura vains alura cumbatieu sülla costa da Pizzet per fer our ils champions da skis alpin. Scu eir già bod üsito ho que do be üna cuorsa dal slalom gigantesc e na scu planiso duos. Quist our da motivs da sgürezza perche cha la pista pattiva suot las temperaturas otas. Our il Hotel Engiadina avainspudieu festager nossa saireda dal Club cun rangaziuns ed üna tombola generusa pels iffaunts.

Ils 7 avrigl 2023 ho gieu lö la gita Risotto. La prüma gruppa as ho chatteda a las 7:00 giò'n Resgia per ir vers l'Alp Arpiglia cun las pels e da l'Alp Arpiglia inavaunt sur la Giargiatta sül Piz Uter. Suot la bachetta da Reto Grundbacher d'eira il tempo fich agreabel e nus vains chatto las pü bellas costas illa regiun. La squedra da chadafö Lala e Nöldi haun intaunt preparo ün risotto da schnuz e dafatta üna padella risotto sainza tschiguollas ho que do. Grazcha fichun!!! Cun que cha d'eiran da la partida duos personas ferridas ho Fredy fat il transport cul quad fin davaunt l'Alp eir quist üna premiera.

Bellas noviteds ho que eir do our dal sport da prestaziun. Nicola Defilla es gnieu champion mundiel sur 30km skating impü ho el auncha gudagno 2 medaglias dad argient ed üna da bruonz. Gratulesch Nicola!

Rapport schef cuorsas e materiel 2022/2023 Gian Malär:

Gian Malär prelegia sieu rapport, la prüma part in tudas-ch:

Jacken JO:

Vor ca. drei Jahren haben wir neue Skiclubjacken mit Sponsorengeldern gekauft. Die Jacken sind jetzt in der 3. Saison.

Momentan sind viele kleine Kinder in der JO, vor allem Scuolina und 1. Klasse.

Doch leider sind die Anzahl kleine Jacken nicht genügend. Wir wollten auf diese Saison zusätzliche Jacken kaufen von der Firma Schöffel. Entgegen den Versprechungen konnten sie unsere Jacken nicht nachproduzieren, weder das Modell, noch die Farben. Wir sind vom Lieferanten enttäuscht, uns wurde versprochen, dass Nachbestellungen mindestens drei Jahre lang möglich sind.

Bereits nach der ersten Saison mit den neuen Jacken haben wir ein Kleiderreglement eingeführt, da leider einzelne Kinder nicht wirklich Sorge getragen haben. Das Reglement ist streng und klar zum Schutz der Jacken.

Wir hoffen, dass wir noch einige Saisons machen können mit den aktuellen Jacken. Es ist und bleibt eine Herausforderung.

Schön ist, dass wir mehr Kinder begeistern können für die JO als erwartet, was uns sehr freut.

Materiel:

In general es il materiel in ün bun stedi.

L'implaunt per piglier temp sü Pizzet es in ün bun stedi e po gnir druvo eir quista stagiun sainza problems.

Rapport dal schef juvenils 2022/2023 Andrina Brunner:

Andrina Brunner prelegia sieu rapport:

La stagiun passeda d'eira mia prüma stagiun in quista pusiziun e que m'ho fat grand plaschair.

Nus vains cumanzo la stagiun cun üna saireda da genituors in november. Que d'eira üna bun'ocasiun per infurmer sur dal club, sur da nos program e sur da las gruppas da whatsapp, nos reglemaints e, il pü important, per pudair baderler cun oters.

Nus vains pudieu piglier incunter 46 annunzchas. Culs 12 iffaunts da la scoulina gninsa sün ün total da 58 iffaunts. La stagiun aunz haun participo 52 iffaunts.

Da quels 58 haun 13 iffaunts fat tuottas duos disciplinas, 26 be alpin, 7 be passlung, e 12 haun piglio part a l'JO scoulina - üna granda gruppa chi *vain tiers* quista stagiun tar l'JO dals grands.

JO passlung

La stagiun ho cumanzo il 7 december, suot la bachetta dad Arina Steiner. Insembel cun Tamara Heregger, minchautaunt cun las duos Corin(n)as ed ün per vuotas cul sustegn da Christian Pfister, haun las mnedras dal JO passlung fat üna straordinaria lavur culs iffaunts – els haun pudieu surpigliar l'ierta dad Andri Marugg ed ils iffaunts haun giodieu ün grandius temp süllas “staungias” stiglias.

Il focus d'eira eir già scu il's ultims ans il plaschair vi dal muvimaint ed amegldrer la tecnica. Il “highlight” es sto in schner culla Diagonela. Cun que cha'l böt es immez Zuoz, vains pudieu motiver a 4 iffaunts da's parteciper a La Cuorta. Tuots 4 sun rivos zieva 11km stracs ma cuntaints aint il böt. In marz, scu finischiun, essans auncha stos culs skis da passlung süls runels da skis da Survih. Per tuots ün grand plaschair!

La finischiun da l'JO passlung es steda la cuorsa dal club, chi ho gieu lö in venderdi saira il 17 marz.

Nus giains grazcha ad Arina, Tamara, Corina e Corinna, e Christian, per lur ingaschamaint – ed essans grats a vus, cha vus fais aunch üna vouta la stagiun cun nus.

JO Alpin

Il trenamaint alpin ho cumanzo eir quist an sü Marguns il 3 december e la prüma vouta a Zuoz il 17 december.

Eir quist an vainsa pudieu giodair las sandas culs magisters da skis, cun trenamaints varios sün pista – displaschavelmaing be poch aint illa naiv lamma. Cun iffaunts pü ambizunos essans ieus trais voutas a la cuorsa da not a Puntraschigna. Allegraivelmaing as haun partecipos a quellas cuorsas ca.20 iffaunts. Duos da nos iffaunts haun guadagno la cumpetiziun dal Zuoz Rocks in favrer. Fabia Baumann es gnida regina da Zuoz e Jann Sonder raig da Zuoz. Eir quist an vainsa pudieu passerter üna stagiun sainza grands accidaints.

La finischiun da l'JO alpin es steda la cuorsa dal club il 18 marz.

Ingrazcher vuessi in quist'ocasiun a Gudi ed a sia squedra da magistras e magisters da skis, chi sun tar minch'ora tiers cun bger plaschair ed ingaschamaint.

JO scoulina

Noss pü pitschens commembers dal club, que sun ils grands da la scoulina, els d'eiran adüna in marculdi zievamezdi sün pista. Cun 12 iffaunts la stagiun passeda, la pü granda sfida d'eira d'avair avuondas giaccas pitschnas. Gian Malär po as quinter ün'istorgia da quist 'Hosalupf' al cumanzamaint da l'inviern.

Julia Malär es steda per la seguonda vouta la mnedra da quista gruppa, cul sustegn da Vera Pagani. Ils zievamezdis da skis cumainzan tar els in schner e vaun alura fin in marz tar la cuorsa da club. Tar quist evenimaint da finischiun sun eir ils pü pitschens da la partida. Que fo impreschiun cun che tempo cha'ls pü pitschens passan tres las portas da la stipa pista dal Pizzet.

Grazcha fich a Julia e Vera per vos temp ed igaschamaint pels pü pitschens.

Eau vuless aunch'ingrazcher a tuot quels e quellas chi haun sustgnieu il Club.

La stagiun 2023/2024 ho già cumanzo cun bgers iffaunts motivos – cun ün identic totel da 58 iffaunts.

Grazcha fich per vos interess e s-chüsé per mieu Rumauntsch cun accent zürigais.

Ils rapports vegn acceptos unanimamaing.

4. Müdamaints

Düraunt l'an da gestiun ho que do ils seguaints müdamaints:

5. Quint annuel 2022/2023

La chaschiera Karin Casty preschainta cuort il rendaquint finel e'l bilauntsch.

(Vair rendaquint e bilauntsch detaglio separo tar Karin Casty.)

Il rendaquint vain accepto unanimamaing sainza cuntervuschs.

6. Rapport dals revisuors

Karin prelegia il rapport dals revisuors. Ils revisuors propuonan a la radunanza da der dis-charg a la suprastanza.

Il rapport vain accepto e la radunanza do dis-charg a la suprastanza.

Nos president Thomas Pinchera ingrazcha als revisuors Niculin Arquint e Ramun Ratti per lur lavur.

7. Tschernas

Nus nu vains üngünas novas tschernas.

8. Onorificaziuns

Onorificaziuns da la vart da Swiss Ski:

- 40 ans Roger Tremp, Gian Gilli
- 25 ans Monica Zraggen, Dorette Haller, Peider Andri Vital, Christian Haller

9. Program annuel 2023/2024

Thomas Pinchera muossa il program annuel (vair homepage), chi'd es dvanto ün pô pü stret. Aint il program annuel sun aint ils puncts fix. Nus vains ün program vario i'l ram scu eir ils ultims ans. Nouv as po s'annunzcher directamaing sur la homepage e per las gruppas da whatsapp chi spordschan diversas activiteds.

10. Varia

Thomas Pinchera do ün pêr infurmaziuns sur dal ESM. Urs e Patricia Krummenacher surpiglian la gestiun da Fredy Sigg giò'l bôt dal ESM. Nus pruvaregians eir da spordscher roba da manger vegetariana. Impü saregia l'organisaziun e la gestiun da las buttiglias da vaider ün tema.

Üngün'oter nun ho oters puncts.

La radunanza vain serreda a las 20.39h.

In buna fé

L'actuara

Zuoz, schner 2024

Corinna Badilatti Steger